

هذه الممارسات وفقا لتعاليم الدين الإسلامي الحنيف

**BANE PRATIQUES D'APRÈS
L'ENSEIGNEMENT DE
L'ISLAM**

PREMIER LIVRET

NASIRA BIBI AZIM

**HAZRAT UMM'UL MOMENEEN
SAYYIDA**

JAMAAT UL SAHIH AL ISLAM

PRÉFACE

Mo ena le plaisir, par la grâce d'Allah pour présente ene livret lor bane duahs, surtout bane zenfants ki en âge pour apprendre la signification de bane supplications à Allah. En plus de ça, ça livret là li présente bane Hadiths, kot le Saint Prophète Mohammad (la paix ek bénédictions d'Allah lor li) fine enseigne bane tarbiyyat pour l'Oummah en générale, lor plusieurs aspects de nous la vie.

Comme ene Secrétaire de Tarbiyyat, li ene première pour moi, parce ki mo but c'est ki nous bane zenfants du Jamaat Ul Sahih Al Islam zot bénéficié de ça bane l'enseignements islamiques là et c'est mo duah ki ça aussi profite les autres zenfants dans la Communauté de l'Islam en générale, et bane les autres dimounes ki intéressé avec l'Islam et bane nouveaux convertis à l'Islam et dans nous Jamaat, pour ki zot conne bane invocations et manières de vivre en Islam.

Ki Allah aide moi encore plisse ki ça afin ki mo prépare ene l'autre livret ki pou ene continuation de ça premier livret là. Insh'Allah.

Nasira Bibi Azim

Hazrat Ummoul Momeneen Sayyida
Sécretaire Talim & Tarbiyyat

Jamaat Ul Sahih Al Islam

8 Jamadal Awwal 1430 A.H

بِسْمِ اللَّهِ

Bismillah – Au Nom d’Allah

Tout travail ki nous commencer, surtout bane bon travaux et actions, nous commence par Bismillah, pour ki nous capave gagne la grâce et la bénédiction d’Allah dans nous bane travaux et nous bane actions. Et nous bane zefforts aussi pas pou gaspiller. Alors bane zenfants, Allah So Rassool Hazrat Muhammad (s.a.w) fine enseigne nous :

1. Kan nous manger-boire, nous bizin dire « Bismillah »
2. Kan nous commence faire ene l’ouvraze ki nous parents dire nous faire, nous commence par « Bismillah ».
3. Kan nous faire nous devoirs, nous dire « Bismillah ».
4. Kan nous alle lor lili pou nous dormi, nous dire : « Bismillah ».
5. Kan nous ouvert la porte nous dire : « Bismillah »
6. Kan nous sorti dépi nous la caze, nous dire : « Bismillah ».
7. Kan nous rentre ou déssane dépi ene bus ou l’auto, nous faire « Bismillah ».
8. Kan nous pèze také la lumière, nous faire « Bismillah ».

لَا إِلَهَ إِلَّا اللَّهُ

Laa-Ilaaha Illallah – Péna aucaine Bondié excepté Allah.

Jabir ibn Abdullah (ra) dire ki li fine tende Hazrat Muhammad (saw) dire ki meilleur Zikr c’est « *Laa-Ilaaha Illallah* ».

(Référence : *Tirmidhi*)

الْحَمْدُ لِلَّهِ

Alhamdolillah – Toutes louanges pou Allah

1. Après ki nous fine senti nous défatigué, nous dire « Alhamdolillah ».
2. Ene kitchose ki perdi, après Allah faire nous retrouve li, nous dire : « Alhamdolillah ».
3. Après ene maladie, ou gagne ene guérison, ou dire : « Alhamdolillah ».
4. Ene dimoune rode faire ou ditort, et Allah protèze ou contre ça ditort là, dire « Alhamdolillah ».
5. Satan ti pé tente ou pou faire ene mauvais travail, et Allah fine protèze ou pou pas faire ça mauvais travail là, dire : « Alhamdolillah ».
6. Kan nous réussi dans n’importe ki bon travail, nous dire : « Alhamdolillah ».
7. Kan ou fini manger-boire, ou dire : « Alhamdolillah ».

سُبْحَانَ اللَّهِ

Soubhan Allah – Allah parfait, Li sans défaut

1. Kan ou tende ene drôle nouvelle ou sois ou trouve ene kitchose impé drôle, ou dire : « Soubhan Allah ».
2. Kan ou tende ene kitchose extraordinaire ou sois ou trouve ene kitchose extraordinaire, ou dire : « Soubhan Allah ».

اللَّهُ أَكْبَرُ

Allah O Akbar – Allah pli Grand

1. Kan nous fine réussi dans nous travail, nous dire : « Allah O Akbar ».
2. Kan nous faire ene travail avec la force, nous dire : « Allah O Akbar ».
3. Shaytan rode tente nous, nous dire : « Allah O Akbar ».

لَا حَوْلَ وَلَا قُوَّةَ إِلَّا بِاللَّهِ

Laa Hawla Wa la Qouwwata Illah Billah – Péna aucaine capacité ni la force excepté avec Allah ou par Allah.

Le Saint Prophète Muhammad (saw) fine dire ki ça phrase là li ene de bane trésor de Paradis.

(Référence : *Bukhari*)

سُبْحَانَ اللَّهِ وَبِحَمْدِهِ

Soubhan Allah Wa Bi hamdihi – Allah parfait, Li sans défaut, et toutes louanges pou Li.

Dans ene Hadith, Hazrat Abu Huraira (ra) fine dire ki Hazrat Muhammad (saw) fine dire: Celui ki dire “Soubhan Allah Wa Bihamdihi” 100 fois par jour, so bane fautes ou péchés effacer, même si so bane fautes/péchés couma l’écume la mer (en grande quantité).

(Référence : *Bukhari*)

سُبْحَانَ اللَّهِ وَبِحَمْدِهِ سُبْحَانَ اللَّهِ الْعَظِيمِ

Soubhan Allah wa Bi hamdihi Soubhan Allah hil Azeem – Allah parfait, Li sans défaut, et toutes louanges pou Li et Li pli Grand

Hazrat Abu Huraira (ra) dire ki le Saint Prophète Muhammad (saw) fine dire : Deux phrases ki léger lor la langue, (mais) lourd dans balance.

(Référence : *Bukhari*)

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ

Soubhan Allah Wal Hamdolillah Wa Laa Ilaaha Illallah Wal Allah O Akbar – Allah parfait, Li sans défaut, et toutes louanges pou Allah et Péna aucaine Bondié excepté A Ilah et Allah Pli Grand

Selon hadith rapporté par Bukhari, Hazrat Muhammad (saw) fine dire : « Plus bon parole, ça quatre phrases là (Soubhan Allah wal Hamdolillah Wa laa Ilaaha Illallah Wal Allah O Akbar). »

Concernant ça quatre phrases là – Soubhan Allah Wal Hamdolillah Wa laa Ilaaha illallah Wal Allah O Akbar – Hazrat Muhammad (saw) fine dire : « Mo dire plus cher à moi ki tout kitchose lor laquelle rayon (soleil) fine paraîte. »

(Référence : *Muslim*)

لَا إِلَهَ إِلَّا اللَّهُ الْعَظِيمُ الْحَلِيمُ،

لَا إِلَهَ إِلَّا اللَّهُ رَبُّ الْعَرْشِ الْعَظِيمِ،

لَا إِلَهَ إِلَّا اللَّهُ رَبُّ السَّمَوَاتِ وَرَبُّ الْأَرْضِ وَرَبُّ الْعَرْشِ الْكَرِيمِ

Laa-Ilaaha Illallahoul Azeemil Haleem

Laa-Ilaaha Illallahou Rabboul Arshil Azeem

Laa-Ilaaha Illallahou Rabbous Samaawaati wa Rabboul Ardhi wa Rabboul Arshil Kareem

Hazrat Muhammad (saw) fine enseigne nous pou récite ça duah là dans bane moments difficultés, problèmes ou la peine.

لَا إِلَهَ إِلَّا اللَّهُ	Laa-Ilaaha Illallahou – Péna aucaine Bondié excepté Allah.
الْعَظِيمُ	Al-Azeem – Le Grand
الْحَلِيمُ،	Haleem – Celui ki ena pouvoir pou puni bane coupable, mais Li pas puni tout de suite.
رَبُّ الْعَرْشِ الْعَظِيمِ،	Rabboul Arshil Azeem – Maître du Grand Trône
رَبُّ السَّمَوَاتِ	Rabbous Samaawaati – Maître bane léciel
وَرَبُّ الْأَرْضِ	Rabboul Ardhi – Maître la terre
وَرَبُّ الْعَرْشِ الْكَرِيمِ	Rabboul Arshil Kareem – Maître du Trône Honorable/Noble

Ene Hadith rapporté dans *Muslim* kot Hazrat Muhammad (saw) fine enseigne nous pou lire trois fois ça Tasbih là :

سُبْحَانَ اللَّهِ وَبِحَمْدِهِ عَدَدَ خَلْقِهِ

Soubhan Allah Wa Bihamdihi Adada Khalqih – Allah parfait, Li sans défaut, et tout louanges pou Li, kantité So création.

سُبْحَانَ اللَّهِ وَبِحَمْدِهِ وَرِضَا نَفْسِهِ

Soubhan Allah Wa Bihamdihi Ridhaa Nafsihi – Allah parfait, Li sans défaut, et tout louanges pou Li, kantité ki Li satisfait.

سُبْحَانَ اللَّهِ وَبِحَمْدِهِ وَزِينَةَ عَرْشِهِ

Soubhan Allah Wa Bihamdihi Zinata Arshihi – Allah parfait, Li sans défaut, et tout louanges pou Li, poids So Trône.

سُبْحَانَ اللَّهِ وَبِحَمْدِهِ وَ مِدَادَ كَلِمَاتِهِ

Soubhan Allah Wa Bihamdihi Midaada Kalimaatihi – Allah parfait, Li sans défaut, et tout louanges pou Li, kantité l'encre (servi pou écrire) So bane paroles.

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ يُحْيِي وَيُمِيتُ، وَهُوَ عَلَى كُلِّ شَيْءٍ قَدِيرٌ

Laa-Ilaha Illallahou Wahdahou laa sharika lahou ; lahoul Mulkou wa lahoul Hamdou ; wa houwa aala koulli shay'in Qadir.

لَا إِلَهَ إِلَّا اللَّهُ

Laa-Ilaha Illallahou – Péna aucaine Bondié excepté Allah.

وَحْدَهُ

Wahdahou – Li Unique

لَا شَرِيكَ لَهُ،

Laa sharika lahou – Li péna aucaine associé

لَهُ الْمُلْكُ

Lahoul Mulkou – Pou Li le Royaume

وَلَهُ الْحَمْدُ

Wa lahoul Hamdou – et pour Li toutes louanges

وَهُوَ عَلَى كُلِّ شَيْءٍ قَدِيرٌ

Wa houwa aala koulli shay'in Qadir – Li éna pouvoir lors tout kitchoses.

Rapporté par Bukhari, Hazrat Muhammad (saw) fine faire nous conné ki celui ki lire 100 fois dans ene jour ça Tasbih là :

1. Li pou gagne récompense égale à libération 10 esclaves.
2. Pou écrire pou li 100 bon actions.
3. Pou efface pou li 100 mauvais actions.
4. Li pou gagne ene protection contre Shaytan ça jour là ziska le soir.

Dans ene Hadith ki rapporté dans Bukhari, Hazrat Muhammad (saw) fine enseigne nous pour lire ça duah là kan nous sorti dépi la caze :

بِسْمِ اللَّهِ تَوَكَّلْتُ عَلَى اللَّهِ وَلَا حَوْلَ وَلَا قُوَّةَ إِلَّا بِاللَّهِ

« *Bismillahi tawalkaltou alallaahi wa laa hawla wa laa Qouwwata illah billah* »

Avec le nom d'Allah, mo dépanne lor Allah. Péna aucaine capacité ni la force excepté avec Allah ou par Allah.

BANE HADITHS LOR MANIÈRES VIVRE ENE MUSULMAN

- Imraan Ibn Hussain rapporté ki ene dimoune fine vine kot Hazrat Muhammad (saw) et fine dire li :

السلام عليكم

« Assalamoualaikum »

La paix lor ou.

Le Saint Prophète (saw) fine réponde li. Ensuite li fine assizé, et Hazrat Muhammad (saw) fine dire : « Dix ».
Ensuite ene l'autre fine vini et fine dire :

السلام عليكم ورحمة الله

« Assalamoualaikum Wa Rahmatullah »

La Paix lor ou et pitié d'Allah (lor ou)

Le Saint Prophète Muhammad (saw) fine réponde li. Ensuite li fine assizé, et le Prophète (saw) dire : « Vingt ».

Ensuite ene l'autre fine vini et fine dire :

السلام عليكم ورحمة الله وبركاته

« Assalamoualaikum Wa Rahmatullah Wa Barakaatuhu »

La paix lor ou, pitié d'Allah et So bénédiction (lor ou)

Le Saint Prophète (saw) fine réponde li. Ensuite li fine assizé, et le Prophète (saw) dire : « Trente ».

(Référence : *Abu Dawud*)

- Le Saint Prophète Muhammad (saw) fine dire :

Petit faire salaam grand, passant faire salaam celui ki en place, ti groupe faire salaam grand groupe.

(Référence : *Bukhari*)

- Hazrat Muhammad (saw) fine dire:

Kan ene parmi zot mangé, ki li mange avec so la main droite. Et kan li boire, ki li boire avec so la main droite. Car certainement, Shaytan mange avec so la main gauche et li boire avec so la main gauche.

(Référence : *Muslim*)

- Ka'b Ibn Malik rapporter ki le Messager d'Allah (saw) ti pé mange avec trois les doigts, et kan li fini (manger), li sousse so les doigts.

(Référence : *Muslim*)

- Umar Ibn Abu Salama rapporté :

Mo ti petit, dans charge le Messager d'Allah (saw), mo la main ti pé alle partout dans l'assiette. Alors le Prophète d'Allah (saw) fine dire :

« *O garçon, dire Bismillah, mange avec to la main droite et mange à partir séki pli près avec toi.* »

Dépi ça, mo façon mangé ti coumsa.

(Référence : *Bukhari*)

- Le Saint Prophète Muhammad (saw) fine dire :

Kan ene parmi zot manger, ki li dire :

بِسْمِ اللَّهِ وَعَلَى بَرَكَاتِهِ

« *Bismillah Wa ala Barakatillah* »

Avec Nom Allah, et avec bénédictions d'Allah, mo commence (manger).

Si li oublier (récite Bismillah) au commencement (manger), alors ki li dire :

بِسْمِ اللَّهِ أَوَّلِهِ وَآخِرِهِ

« *Bismillah Awwalihi wa Aakhirih* »

Avec Nom d'Allah, dans so commencement et dans so la fin.

(Référence : *Tirmidhi*)

- Abu Saïd rapporter ki kan le Messager d'Allah (saw) fini manger, li dire :

الْحَمْدُ لِلَّهِ الَّذِي أَطْعَمَنَا وَسَقَانَا وَجَعَلَنَا مِنَ الْمُسْلِمِينَ
« Alhamdolillahil lazi at'âmana wa sakâna wa ja'âlana minal Muslimîne »

Tout louange pou Allah, Celui ki fine donne nous manger-boire et Li fine faire nous Musulmans.

(Référence : *Abu Dawud*)

- Le Saint Prophète Muhammad (saw) fine dire :

Certainement, Allah satisfait avec serviteur ki, kan li fine mange ene kitchose, li remercié Allah pour ça, et kan li fine boire ene kitchose, li remercié Allah pour ça.

(Référence : *Muslim*)

- Hazrat Umm'ul Momeneen Aisha – Madame du Saint Prophète Muhammad (saw) – fine rapporté ki le Prophète (saw) ti content commence ene action à partir côté droite, dans tous so bane z'affaires, kantité ki li capave : kan li purifié li (par Wu'zu, Ghusl), kan li peigne so cheveu, kan li mette soulier.

(Référence : *Bukhari*)

- Abu Hurairah rapporter ki kan le Saint Prophète (saw) ti pé éternuer, li ti pé couvert so figure avec so la main ou soit avec so linge, et par ça li ti pé baisse so la voix.

(Référence : *Tirmidhi*)

- Le Saint Prophète Muhammad (saw) fine dire :

Bailler, li dépi Shaytan. Alors kan ene parmi zot bailler, ki li repousse li kantité ki li capave. Certainement, kan ene parmi zot dire 'haa', Shaytan riyé.

(Référence : *Bukhari*)

- Hazrat Muhammad (saw) fine dire:

Kan ene parmi zot bailler, ki li tenir so la main lor so la bouche, car Shaytan rentrer.

(Référence : *Muslim*)

- Le Messager d'Allah (saw) fine dire:

Ene dimoune pas gagne droit lève ene l'autre dépi dans so place, et ensuite li assize dans place là.

(Référence : Bukhari)

- Hazrat Muhammad (saw) fine dire:

Ene dimoune pli mérité pou (prend) so place. Si li sorti pour ene nécessité, ensuite li retourner, alors li plus mérité pou (reprend) so place.

(Référence : Tirmidhi)

- Le Saint Prophète Muhammad (saw) fine dire :

Li pas permette pou ene dimoune pou vine (assize ou diboute) entre deux dimoune excepté avec zot permission.

(Référence : Tirmidhi)

- Anas Ibn Malik rapporter ki kan le Messager d'Allah (saw) rentrer dans toilette, li ti pé dire :

اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ

« Allahoumma inni a'ouzou bika minal khoubzi wal khabâ'ish »

O Allah, certainement mo cherche protection avec Toi contre bane Shaytan mâles et femelles.

(Référence : Bukhari)

- Hazrat Muhammad (saw) fine dire:

Kan ene parmi zot uriner, ki li pas attrape so partie privée avec so la main droite, et li pas nettoye li avec so la main droite.

(Référence : Bukhari)

- Anas Ibn Malik rapporter ki kan Hazrat Muhammad (saw) sorti dépi dans toilette, li ti pé dire :

الْحَمْدُ لِلَّهِ الَّذِي أَذْهَبَ عَنِّي الْأَذَى وَعَافَانِي

« Alhamdolillahil lazi az'hâba 'aanil wa aaza wa a'faani »

Tout louanges pour Allah, Celui ki fine tire dépi dans moi kitchose ki faire ditort et Li fine accorde moi le bien-être.

(Référence : Ibn Majah)

- Le Saint Prophète Muhammad (saw) fine dire :

Kan to vine kot to matelas/lili (pou dormi), alors faire Wu'zu, Wu'zu ki ti faire pou faire Namaz, ensuite allonge/dormi lor to côté droite.

(Référence : Bukhari)

- Abu Hurairah rapporter ki le Messenger d'Allah (saw) ti fine trouve ene dimoune allongé plat ventre. Alors li fine dire li : « *Certainement, ça ene position dormi ki Allah pas content.* »

(Référence : Tirmidhi)

- Hazrat Umm'ul Momeneen Aisha – Madame du Saint Prophète Muhammad (saw) – fine rapporté ki kan le Prophète (saw) alle dormi, chaque nuite, li mette so paumes la main ensemble ensuite li souffler et lire là-dans :

Surah Al-Ikhlâas – (Qul Huwallaahu 'Ahad) قُلْ هُوَ اللَّهُ أَحَدٌ

Surah Al-Falaq – (Qul 'a-uuzu bi Rabbil Falaq) قُلْ أَعُوذُ بِرَبِّ الْفَلَقِ

Surah An-Naas – (Qul 'a-uuzu bi Rabbin Naas) قُلْ أَعُوذُ بِرَبِّ النَّاسِ

Ensuite li passe so deux la main lor so lécorps, kot so la main arriver, commençant par so la tête, so figure et par devant dans so lécorps. Li faire ça trois fois.

(Référence : Bukhari)

- Hazrat Muhammad (saw) fine enseigne nous pou dire trois fois, kan alle dormi:

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَيُّ الْقَيُّومَ وَأَتُوبُ إِلَيْهِ

« *Astaghfir'ullahil lazi laa ilâha illah huwal Hayyul Qayyoom wa a'tubu ilay* »

Mo demande pardon avec Allah, Celui ki péna aucaine bondié excepté Li, Li « Hayy » - Vivant pour tout létemps, Li « Qayyoom » - Celui ki en charge pou nourri et accorde bane nécessité à So bane créatures. Mo répentir avec Li.

(Référence : Tirmidhi)

- Abu Hurairah rapporter ki ene missié ti vine kot le Saint Prophète (saw) et fine dire li :

« O Messenger d'Allah, ene scorpion fine pique moi hier soir. » Le Prophète (saw) fine dire li : « *Si à soir, to ti dire :*

أعوذ بكلمات الله التامات من شر ما خلق

« *A'ouzou bikalimaat'illah hit'taamati min sharri maa khalaq* »

'Mo cherche protection avec Allah So bane paroles parfait contre le mal de séki Li fine crée',

Li pas ti pou faire toi ditort. »

(Référence : *Tirmidhi*)

- Hazrat Umm'ul Momeneen Hafsa – Madame du Saint Prophète Muhammad (saw) – fine rapporté ki kan le Prophète (saw) ti oulé allonger, li ti pé place so la main droite embas so la joie, ensuite li dire trois fois :

اللَّهُمَّ قِنِي عَذَابَكَ يَوْمَ تَجْمَعُ عِبَادَكَ

« *Allahoumma kinii a'uuzu bika yawma taj'ma'uu ibaadaka* »

O Allah ! Sauve-moi contre To punition Jour ki To pou faire To bane serviteurs revivre.

(Référence : *Abu Dawud*)

- Pou dimoune ki affecté par bane fatigue physique, le Messenger d'Allah (saw) fine prescrire :

34 fois – Allah O Akbar اللهُ أَكْبَرُ

33 fois – Soubhan Allah سُبْحَانَ اللَّهِ

et

33 fois – Alhamdolillah الْحَمْدُ لِلَّهِ

Kan alle dormi.

(Référence : *Bukhari*)

- Hudhayfa rapporter ki kan le Saint Prophète (saw) ti oulé dormi, li ti pé dire :

اللَّهُمَّ بِاسْمِكَ أَمُوتُ وَأَحْيَا

« Allahoumma bismika a'muutu wa ah'yaa »

O Allah, Avec To Nom, mo mort et mo vivre.

- Et kan li levé li ti pé dire :

الْحَمْدُ لِلَّهِ الَّذِي أَحْيَانَا بَعْدَ مَا أَمَاتَنَا وَإِلَيْهِ النُّشُورُ

« Alhamdolillahil lazi ah'yaana bah'dama amaatana wa ilayhin nushuur »

Tout louange pou Allah, Celui ki fine faire nous vivre après ki Li fine faire nous mort, et vers Li-même éna pou retourner.

(Référence : Bukhari)

- Le Saint Prophète Muhammad (saw) fine dire :

Kan ene parmi zot faire Wu'zu – li faire Wu'zu bien – li vine Masjid, li pas faire nannié excepté Namaz, li pas marche ene pas excepté ki Allah lève li – par ça – ene degré et efface pou li ene faute/péché, ziska ki li rentre dans Masjid.

(Référence : Bukhari)

- Hazrat Muhammad (saw) fine dire:

Kan ene parmi zot rentre dans Masjid, ki li dire :

اللَّهُمَّ افْتَحْ لِي أَبْوَابَ رَحْمَتِكَ

« Allahoummaftahli abwaaba Rahmatika »

O Allah, ouvert pour moi bane la porte To la Grâce.

Et kan li sorti, ki li dire :

اللَّهُمَّ إِنِّي أَسْأَلُكَ مِنْ فَضْلِكَ

« Allahoummah inni as'alouka min fadhlika »

O Allah, mo demande Toi To faveur.

(Référence : Muslim)

- Le Messager d'Allah (saw) fine dire:

Kan ene parmi zot rentre dans Masjid, alors ki li faire deux Rakaat avant ki li assizé.

(Référence : *Bukhari*)

- Abbaad Ibn Tamim dire ki so Chacha fine dire ki li fine trouve le Messager d'Allah (saw) allonger lor lédos dans Masjid, li pose ene lipié lor l'autre.

(Référence : *Bukhari*)

- Hazrat Muhammad (saw) fine dire:

Kan ene parmi zot demande permission trois fois, mais li pas gagne permission, alors ki li retourner.

(Référence : *Bukhari*)

- Le Saint Prophète Muhammad (saw) fine enseigne nous, ki kan nous sorti dépi kot nous famille, faire duah pou bane famille là :

اللَّهُمَّ بَارِكْ لَهُمْ فِيْمَا رَزَقْتَهُمْ وَاعْفِرْ لَهُمْ وَارْحَمَّهُمْ

Allahoummah baarik lahoun fiimaa razaktahoum wahfir lahoun warham'houm

O Allah, béni pou zot séki To fine accorde zot. Pardonne zot et ena pitié pou zot.

(Référence : *Muslim*)